

## C A I B. VI.

tach, agus giùlainidh e aingidh-eachd<sup>a</sup>.

18 Agus bheir e leis reithe gun ghaoid o'n treud, a réir do mheas, chum ìobairt-eusaontais, a dh'ionnsuidh an t-fagairt: agus ni an fagart réite air a shon a thaobh aineolais, leis an deachaidh e air feacharan<sup>b</sup> agus gun fhios aig air; agus mathar dha e. 19 Ìobairt-eusaontais a th'ann: chiontaich e gu deimhin 'an aghaidh an Tighearna.

### C A I B. VI.

**A**GUS labhair an Tighearna re Maois, ag ràdh,

2 Ma pheacaicheas anam, agus gu'n dean e eusaontas 'an aghaidh an Tighearna, agus gu'n dean e breug d'a choimhearsnach a thaobh an ni a thugadh dha r'a ghleidheadh, no ann an companas, no thaobh an ni a thugadh air falbh le h-ainneart, no ma mheallas e choimhearsnach;

3 No ma fhuair e an ni sin a chailleadh, agus gu'n dean e breug uime, agus gu'n d'thoir e mionnan eithich<sup>c</sup>; ann an aon ni dhiubh sin uile a ni duine, a' peacachadh anna:

4 'An sin tachairidh, a chionn gu'n do pheacaich e, agus gu bheil e ciontach, gu'n d'thoir e air ais<sup>d</sup> an ni sin a thug e air falbh le h-ainneart, no an ni sin a fhuair e gu mealltach, no an ni sin a thugadh dha r'a ghleidheadh, no chailleadh agus a fhuair e,

5 No ni sam bith m'an d'thug e mionnan eithich; bheir e air ais e 'san iomlan, agus cuiridh e 'n cuigeadh cuid a thuille ris, a-

agus bheir e dha-san e d'am buin e, ann an là ìobairt-eusaontais.

6 Agus bheir e leis ìobairt-eusaontais chum an Tighearna, reithe gun ghaoid o'n treud, a réir do mheas, mar ìobairt eusaontais, a dh'ionnsuidh an t-fagairt.

7 Agus ni an fagart réite air a shon 'an làthair an Tighearna: agus gheibh e maireanas a thaobh gach ni dhiubh sin uile a rinn e, a' ciontachadh anna.

8 Agus labhair an Tighearna re Maois, ag ràdh,

9 Thoir aithne do Aaron agus d'a mhic, ag ràdh, *Is e* so lagh na h-ìobairt-loisgte: (*Is i* 'n ìobairt-loisgte i, air son an losgaidh air an altair air feadh na h-oidhche uile gu madainn, agus bithidh teine na h-altarach a' losgadh innte)

10 Agus cuiridh an fagart truscan<sup>e</sup> anairt uime, agus cuiridh e briogais anairt air fheoil, agus togaidh e suas an luath a loisg an teine leis an ìobairt-loisgte air an altair, agus cuiridh e i làimh ris an altair.

11 Agus cuiridh e a thruscan dheth, agus cuiridh e truscan eile uime, agus giùlainidh e 'n luath a mach an taobh a muigh do'n champa, gu h-ionad glan.

12 Agus bithidh an teine air an altair a' losgadh innte, cha chuirear as e: agus loisgidh an fagart fiodh oirre gach madainn, agus cuiridh e an ìobairt-loisgte ann an ordugh oirre, agus loisgidh e oirre faill nan ìobairte-sith.

13 Bithidh an teine a' lasadh

air

<sup>a</sup> a chionta, a choire.

<sup>b</sup> 'am mearachd.

<sup>c</sup> mionnan gu breugach.

<sup>d</sup> aisig e.

<sup>e</sup> air an d'fhuaradh ciontach e.

<sup>f</sup> cìdìdh, eudach, culaidh.